

Nr. 724 8. september 2010 AUGLÝSING

um staðfestingu gjaldskrár Bandalags íslenskra græðara vegna skráningar og viðhalds skráningar í frjálsum skráningarkerfi græðara.

Heilbrigðisráðherra hefur samkvæmt fylgiskjali með auglýsingu þessari staðfest, hinn 8. sept-ember 2010, gjaldskrá Bandalags íslenskra græðara vegna skráningar og viðhalds skráningar í frjálsum skráningarkerfi græðara skv. 3. gr. laga nr. 34/2005 um græðara. Gjaldskráin öðlast þegar gildi.

Frá sama tíma fellur jafnframt brott auglýsing nr. 308/2007, með sama nafni.

Heilbrigðisráðuneytinu, 8. september 2010.

Guðbjartur Hannesson.

Berglind Ásgeirsdóttir.

Fylgiskjal.

GJALDSKRÁ

Bandalags íslenskra græðara vegna skráningar og viðhalds skráningar í frjálsum skráningarkerfi græðara.

1. gr.

Bandalagi íslenskra græðara er heimilt að innheimta skráningargjald sem standa skal undir kostnaði við skráningu hvers græðara og rekstri og viðhaldi skráningarkerfisins.

2. gr.

Frumskráningargjald:

Með frumskráningargjaldi er átt við gjald vegna fyrstu skráningar græðara í frjálsum skráningar-kerfi græðara.

- a. Gjald fyrir frumskráningu græðara í skráðu félagi græðara, aðalgrein kr. 5.000
- b. Fyrir hverja skráða aukagrein kr. 1.500
- c. Gjald fyrir frumskráningu græðara utan skráðs félags græðara, aðalgrein kr. 10.000
- d. Fyrir hverja skráða aukagrein kr. 3.000

Sæki græðari síðar um skráningu aukagreinar skal hann við fyrstu skráningu hennar greiða frumskráningargjald fyrir aukagrein.

Þjónustugjald vegna skráningar í skráningarkerfi:

Með þjónustugjaldi er átt við gjald sem græðari greiðir til Bandalags íslenskra græðara til að viðhalda skráningu sinni í frjálsum skráningarkerfi græðara og vegna annars kostnaðar svo sem vegna breytinga á starfsstöð græðara.

- a. Þjónustugjald vegna skráningar græðara í skráðu félagi græðara, aðalgrein, allt að kr. 2.500
- b. Þjónustugjald vegna skráningar græðara utan skráðs félags græðara, aðalgrein, allt að kr. 5.000

Endurskráningargjald:

Með endurskráningargjaldi er átt við gjald sem innheimta skal þegar græðari, sem að eigin ósk hefur verið afskráður úr frjálsum skráningarkerfi græðara óskar eftir því að vera skráður í kerfið á ný eða græðari sem tekinn hefur verið af skrá óskar eftir endurskráningu.

- a. Gjald fyrir endurskráningu græðara í skráðu félagi græðara, aðalgrein kr. 5.000
- b. Fyrir hverja aukagrein kr. 1.500
- c. Gjald fyrir endurskráningu græðara utan skráðs félags græðara, aðalgrein kr. 10.000
- d. Fyrir hverja aukagrein kr. 3.000

3. gr.

Nr. 724 8. september 2010

Frumskráningargjald skal greiða Bandalagi íslenskra græðara um leið og umsókn um frum-skráningu í skráningarkerfið er lögð fram. Sama gildir um endurskráningargjald. Bandalagi íslenskra græðara er heimilt að innheimta þjónustugjald hjá skráðum græðara til að standa undir rekstri og viðhaldi skráningarkerfisins og vegna annars kostnaðar svo sem vegna breytinga á starfsstöð græðara. Sé innheimt árlegt þjónustugjalds vegna skráningar í skráningarkerfi er gjalddagi 15. apríl ár hvert og eindagi er 15. maí ár hvert. Hafi gjaldið ekki verið greitt á eindaga greiðast dráttarvextir frá gjalddaga.

4. gr.

Gjaldskrá þessi sem sett er skv. 3. gr. laga nr. 34/2005 um græðara skal birt í B-deild Stjórnar-tíðinda, skv. 3. gr. laga um Stjórnartíðindi og Lögbirtingablað nr. 15/2005 og öðlast gildi við birt-ingu.

Reykjavík, 3. september 2010.

Anne May Sæmundsdóttir.

Freygerður Anna Ólafsdóttir.

B-deild – Útgáfud.: 23. september 2010